

საქართველოს გარემოს დაცვისა და  
სოფლის მეურნეობის სამინისტროს

გაცნობებთ, რომ სს „ფოლათ იოლ იაფი სანაი ვე თიჯარეთის ფილიალი საქართველოში“ (საიდენტიფიკაციო კოდი: 404903707) ოზურგეთის მუნიციპალიტეტის სოფ. ნატანებთან, სახელმწიფო საკუთრებაში არსებული მიწის ნაკვეთის (საკადასტრო კოდი: 26.01.71.014.) ნაწილზე გეგმავს საგზაო სამშენებლო მასალების მწარმოებელი ობიექტების (ინერტული მასალების სამსხვრევ-დამხარისხებელი საამქრო, ბეტონის საამქრო და მობილური ტიპის ასფალტის ქარხანა) მოწყობას. დაგეგმილი საქმიანობის მიზანი იქნება რეგიონში და ზოგადად დასავლეთ საქართველოში უახლოეს მომავალში დაგეგმილი ინფრასტრუქტურული პროექტების (საერთაშორისო, შიდა სახელმწიფოებრივი და ადგილობრივი მნიშვნელობის გზები) მომარაგება საგზაო სამშენებლო მასალით. აქედან გამომდინარე პროექტის განხორციელებას მნიშვნელობა ენიჭება არამარტო ადგილობრივ, არამედ რეგიონალურ და სახელმწიფოებრივ დონეზე. აღსანიშნავია, რომ დაგეგმილი საწარმოო ობიექტების ტიპებიდან გამომდინარე მათი მოწყობა გულისხმობს ძირითადად სამონტაჟო სამუშაოების შესრულებას და მოცულობითი სამშენებლო სამუშაოების წარმართვა საჭირო არ არის.

პროექტი განეკუთვნება საქართველოს კანონის „გარემოსდაცვითი შეფასების კოდექსის“ II დანართით გათვალისწინებულ საქმიანობას, კერძოდ: პუნქტი 5.1. – „სასარგებლო წიაღისეულის გადამუშავება“ და პუნქტი 5.3. – „ასფალტის წარმოება“. აღნიშნულიდან გამომდინარე საქმიანობა ექვემდებარება კოდექსის მე-7 მუხლით გაწერილ სკრინინგის პროცედურას და შესაბამისად ამავე მუხლის მე-2 პუნქტის მოთხოვნის საფუძველზე წარმოგიდგენთ სკრინინგის განცხადებას.

წერილს თან ერთვის კოდექსის მე-7 მუხლის მე-4 პუნქტით მოთხოვნილი ინფორმაცია, კერძოდ:

- ინფორმაცია დაგეგმილი საქმიანობის შესახებ;
- ინფორმაცია დაგეგმილი საქმიანობის მახასიათებლების, განხორციელების ადგილისა და შესაძლო ზემოქმედების ხასიათის შესახებ.

გთხოვთ განიხილოთ წარმოდგენილი დოკუმენტაცია და მიიღოთ გადაწყვეტილება იმის თაობაზე, ექვემდებარება თუ არა დაგეგმილი საქმიანობა გზმ-ს. გთხოვთ გადაწყვეტილების მიღების პროცესში გაითვალისწინოთ დაგეგმილი საქმიანობის მნიშვნელობა და შეზღუდული ვადები დასავლეთ საქართველოში დაგეგმილ ინფრასტრუქტურული პროექტების დროული მომსახურებისთვის.

ამასთანვე ვთვლით, რომ წერილის დანართში წარმოდგენილი ინფორმაცია საკმაოდ დეტალურად ასახავს პროექტის გახორციელების შედეგად მოსალოდნელ გარემოზე ზემოქმედების საკითხებს. მათ შორის განხილულია ატმოსფერული ჰაერის და წყლის გარემოს დაბინძურების რისკები, რაც ობიექტის სანეტიკიდან გამომდინარე ზემოქმედების ძირითადი სახეებია.

პატივისცემით

მუსლუმ არიჯაქ



სს „ფოლათ იოლ იაფი სანაი ვე თიჯარეთის ფილიალი საქართველოში“-ს  
დირექტორის მინდობილი პირი

